

Salmos 68:(1)2 Tupā ojetyvyro ha hese ija'e'ŷva isarambipa. Okañymba umi chupe ohayhu'ŷva.

Salmos 5:(9,10)10,11 Ha'e kuéra oñe'ẽ rei, ipy'apy itujupa, ijuru katu yvykua.

Opávape ombojuru he'ẽ. (10)11 Tupā, ejahéi hese kuéra. Tove to'a ijuru rupi.

Rasáma niko hembiapo vai, opu'ăvo nde rehe hikuái.

Salmos 7:(1,2) 2,3 Tupā che Jára, ne rendápe aňemboja, nde guýpe aňemo'ã. Umi che rayhu'ŷva ha che jopy vaívagui che pe'a, (2)3 ani jaguaretéicha che jukase, ha che rete omondyry, ndaipórigui jejopy vaígui che pe'áva.

Salmos 11:6 Iñañáva ári omongýne tatapŷi ha tata rendy, ha yvytu rakúpe chupe kuéra ombokusuguéne.

Salmos 18:(2)3 Nde reñangareko che rehe, ne rendápe aguahẽ akañy haguã, nde reime che jerekuévo, nde hína pe che renohẽva jejopy vaígui. Ne rendápe aguahẽ ramo, nde che pytyvõ.

Salmos 18:(14)15 Opoi ihu'y kuéragsi opa rupi, ára mante overa ha otiri ha sarambikue nde'áva opa rupi.

Salmos 18:(17)18 Che pe'a upe che rundisévagui ha che hegui imbaretevávagi.

Salmos 18:(39)40, (45)46, (47)48 Ñorãirõme che mombarete, ha nde rupi umi che rehe opu'ăva oñemoimba che po guýpe, (45)46 Okyhyjepa che hegui hikuái, oryrí osêvo kañyhágui. (47)48 Tupā upe omyengoviáva umi che rehe oñemoivape, ha upe omoïva tetã nguéra che po guýpe.

Salmos 23:3 Che mombarete jey, ha tape hekópe guáre che reraha héra rehehápe.

Salmos 27:11 Ñandejára, eikuaauka chéve nde rape ha tape porã rehe che sãmbyhy, cháke oĩ che rayhu'ŷva.

Salmos 34:(4)5,(7)8 Ñandejárape aňembo'e, ha'e che rendu, ha oipe'apa che hegui umi mba'e che mongyhyéva. (7)8 Ñandejára remimbou oñangareko ha oguenohẽ dejopy vaígui opa umi hese ojeroviavape.

Salmos 34:(13)14 Anítei nde jurúgui osê mba'e vai ha anítei nde japu.

Salmos 34:(17-19)18-20 Ñandejára ohendu umi ijoméi pyréva ñembo'e ha oguenohẽ chupe kuéra upe ojejopy vahágui. (18)19 Ñandejára oñemboja umi ohasa asývare ha oguenohẽ umi ikangypávape dejopy vaígui. (19)20 Heta mba'e vai rupi imarangatúva ohasa, ha Ñandejára oguenohẽ chupe umívagui,

Salmos 35:1-8,10 Ñandejára, epu'ă umi che rehe opu'ăvare, eñemoi umi che rehe oñemoivare. 2 Eipyhy ne mo'ăha, ñorãirõme rejokóva ne renondépe, ha eju che pytyvõ. 3 Eipyhy nde yvyra akua puku ha eñemoi umi che muñávare. Ere chéve che renohëtaha dejopy vaígui. 4 Taiñakã tavy ha toñemotí umi che jukaséva, toguevi ha tojepicha umi che rundiséva. 5 Ku kapi'yicha yvytu ogueroveváva, Ñandejára remimbou tombotyryry chupe kuéra. 6 Hape kuéra taisŷi ha taiñypyti, Ñandejára remimbou omuña vove chupe kuéra. 7 Reiete ñuhã omoi chéve hikuái, reiete yvykua ojo'o che raperâme. 8 Oimo'ă'ŷhágui, to'a hi'ári kuéra mba'e vai ndetuicháva. Ha'e kuéra to'a iñuhã nguérape ha upe yvy kuápe ha'e kuéra voi ojo'o vaekue. 10 Che py'aite guive Ñandejárape aropurahéi

ha'évo: Tupã, ndeichagua niko ndaipóri. Nde reipe'a ikangývape imbaretéva po guýgui, ha imboriahúvape umi ipo jopývagui.

Salmos 36:(7-9)8-10 Ajépa tuicha ne mborayhu Tupã. Upévare maymáva oñemo'ã nde pepo guýpe. (8)9 Hyguătã umi mba'eta nde rógape oïvagui, ha remboy'u chupe kuéra ysyry he'ẽ asývagui. (9)10 Nde hegui mante heñói tekovete, ha nde ore resape rupi, opa mba'e oréve hesakã.

Salmos 37:5 Ñandejára pópe emoï nde rekove, hese ejerovia, ha ha'e oñangarekóne nde rehe.

Salmos 37:23,24 Ñandejára oisämbyhy yvypóra rekove, ha'e omboguata chupe hapére. 24 Ho'a ramo jepe opu'ã jeýne, Ñandejára oguerekógi chupe ipópe.

Salmos 37:40 Ñandejára oipe'a chupe kuéra upe jejopy vaígui, ha'e kuéra ojerovia haguére hese.

Salmos 39:(1)2 Ha'e che py'a pýpe: Águive aiko poräta, añañangarekóta opa ha'évare. Che juru ambotýta iñañáva renondépe.

Salmos 41:(4)5 Ñandejárapa ha'e: Che poriahurereko ha che monguera. Ivaíva niko ajapo ne renondépe.

Salmos 42:(5)6 Mba'éré piko kóicha añembyasy? Mba'éré piko che py'a tarova? Tupã rehénte voi ajeroviáta. Chupe amomba'e guasu jeýta. Ha'e hína Tupã, upe che pe'áva jejopy vaígui. (Salmos 43:5)

Salmos 43:1 Tupã, esẽ che rehahápe. Eñemoï che ykére, ani haguã ha'a iñaña, ijapu ha heko vaíva pópe.

Salmos 51:(4)5 Ahecha kuaa niko ajavyha, ha mba'e vaígui ndaikatúi apoi.

Salmos 52:(5)7 Ágante Tupã ne rundíne. Nde rögagui ne mosëne, ko yvy árigui rejehapo'óne, remanoítéma haguã.

Salmos 54:(7)9 Jejopy vaígui niko che renohẽ, ha ahecha umi che rayhu'ýva oñehundi ramo.

Salmos 55:(18)19 Ha'e niko nda che rejái amano, che jerére omumumbárõ che jukaséva.

Salmos 59:(2)3 ani rehajátei ha'a iñañáva pópe, ani rehajátei ha'a che jukaséva pópe.

Salmos 60:(12)14 Tupã ndive rosẽ poräta, ha'e ohundíta umi ore jopývape.

Salmos 63:(11)12 Mburuvicha guasu ov'yáne Tupã ndive, iñe'ẽ ome'ëva hesépe ojehecha kuaáta, ha ijapúva katu ojejuru mbotýne.

Salmos 66:3 ha peje chupe: Tuichaite mba'e niko ne rembiapokue. Nde pu'aka mbaretégui, umi nde rehe oñemoï vaekue jepeve ne rendápe oñemboja.

Salmos 68:(6)7 Ha'eñovape ha'e ombohóga, oñeñapytívagui ha'e opoi ov'y'a haguã, ha mayma hese oñemoïva oikóne yvy ojeiko'ýha rupi.

Salmos 68:(35)36 Tuicha mba'e niko Tupã, tupaópe ha'e oï jave. Ha'e niko hetã guápe omombarete. Toñemomba'e guasu Tupã.

Salmos 70:(1)2 Tupã, eju che pytvõ. Che Jára, pya'e eju che renohẽ dejopy vaígui.

Salmos 71:4,13 Tupã, che pe'a umi hembiapo vaíva po guýgui, umi iñaña ha che jukaséva po guýgui. 13 Umi che rehe oñemoïva toñemotí ha toñehundi, umi oipotáva ahasa vai tñindyhápe toiko ha tojepukapa hese kuéra.

Salmos 72:12 Ha'e oguenohëta imboriahúvape ojerure vove chupe dejopy vaígui,

ha oikotevēvape ndorekóiva mamo oho haguā.

Salmos 76:(12)13 Ha'e oipytu joko umi tetā sāmbyhyhárape, ha mburuvicha guasu kuéra chugui okyhyjepa.

Salmos 79:9 Tupā, eju ore pytyvō, nde upe ore renohēva jejopy vaígui. Nde réra revehápe, eju ore pytyvō ha eheja rei oréve ore angaipa.

Salmos 86:17 Ehechauka chéve ne py'a porāha che ndive, upéicha ramo umi che rayhu'ŷva optyáne otī, ohechávo nde che pytyvō ha che mbovy'aha, Tupā.

Salmos 91:14,15 Ha'e oñemoñgi che pópe anohēta chupe jejopy vaígui, ha'e che kuaágui añangarekóta hese. 15 Ajapysakáta hese chéve oñembo'évo, ojejopy vai ramo hendive aiméta che. Añangarekóta hese ha amoherakuā poräta.

Salmos 92:(11)12 Ahecháne oñehundi ramo umi che rehe oñemoñva, ahendúne hasē ramo umi tekove ahē.

Salmos 103:10 Nomyengoviái ñandéve ñane angaipa, ha ndojapói ñande rehe ojapo haguāicha.

Salmos 104:9 Rehai chupe yvy ani haguā ohasa, anive haguā ojaho'i yvy araka'eve.

Salmos 107:6 Ojecha vai ramo oñembo'e Ñandejárape, ha oipe'a eiko asýgui chupe kuéra.

Salmos 118:10,12 Tetā nguéra che mongora ha Ñandejára rérape che pu'aka hese kuéra. 12 Kávaicha omumumba che rehe hikuái, ñuatïndy ojepotaháicha hendy che rehe hikuái ha Ñandejára rérape che pu'aka hese kuéra.

Salmos 121:7,8 Ñandejára ndoheja mo'āi ojehu ndéve mba'eve ivaíva, ha'e oñangarekóta nde rehe. 8 Ha'e oñangarekóta nde rehe resëvo reho haguā ha reguahëvo, ko'ágä guive opa ára peve.

Salmos 138:3 Ndéve añembo'e ha nde che rendu, che py'a remombarete.

Salmos 140:(1,4,5)2,5,6 Ñandejára, che renohē kena umi iñañáva apytégui, eñangareko che rehe ani hembiapo vaíva ojapo che rehe mba'eve. (4)5 Eñangareko che rehe Ñandejára ani heko vaíva pópe ha'a, ani hembiapo vaíva ojapo che rehe mba'eve, ani ha'e kuéra che moñepsänga. (5)6 Umi mbaretépe oikóva che jurase iñuhäme, che raperäme omoñ chéve ñuhä.

Salmos 142:(6)7 Ejapysaka che rehe. Vaípeko ajecha. Che nohē umi che rayhu'ŷva pögui, imbareteve niko che hegui hikuái.

Salmos 143:9 Ñandejára, che renohē umi che rayhu'ŷva po guýgui, nde pepo guýpe niko añemo'ā.

Salmos 147:14 Ha'e ogueru py'a guapy nde yvýpe, ha nemohyuătă trigo iporävévape.

Salmos 149:6-9 Ijurúgui tañahendu omomba'e guasúrō Tupăme, ipópe toguereko kyse puku hääimbe jováiva, 7 ojahéi haguā ambue tetā guáre, oinupă rasývo chupe kuéra. 8 Mburuvicha guasu kuéra kadénape tojokua, huvicha kuéra toipykua, 9 tojejapo umívare, kuatiápe oñemoñ haguéicha. Umi hese ojeroviáva kóicha osë poräta. Toñemomba'e guasu Ñandejára.